

կանգնում է եւ բնաւ չէ շարժում: Ասում էին, ծտերի բերանը աղօթքով կապում է, եւ նրանք չեն կարողանում արտերի ցորեանը ուտել: Ասում էին, դեւերին, սատանաներին բռնում է, լցնում է ապակեայ սրոակների մէջ եւ այնպէս պահում է, որ մարդերին վնաս չտան: — Այսպիսի շատ բաներ խօսում էին նրա մասին, եւ բոլորին, բոլորին հաւատում էի: Սկզբում իմ վրայ սարսափ էին բերում այս խօսքերը, բայց յետոյ այնքան ընտելացայ, որ մտածում էի. — «տեր աստուած, ե՞րբ կը լինի, որ ես էլ այդ ամենը սովորեմ եւ իմաստուն մարդ դառնամ»...

Ինչպէ՞ս չհաւատայի, երբ ամէն օր տեսնում էի նրա տունը լիքն էր հայի, թուրքի, ջիուղի եւ զանազան ազգերի կնիկներով: Որը տեր հոբ համար ընծայ էր բերել մի քանի հատ ձու, որը մի աքաղաղ, որը մի շիշ արաղ, որը մի գոյգ գուլպայ, — վերջապէս ոչ մի մարդ դատարկածեմն ոտք չէր կոխում նրա շեմքի վրայ: Ինչ էր նրանց դարդը: Մէկը չբերք էր. Տէր Յայրը նրա համար մի բան էր գրում, որ երեխայ ունենայ: Միւսի տղամարդը ուրիշին էր սիրում. տեր հայրը իր «վեցհազարեակի» շնորհիւ նրա սերը սառեցնում էր օտար կնկանից եւ իր կնոջն էր սիրել տալիս: Մէկ ուրիշը ուզում էր մարդի գնալ. տեր հայրը իր «թիլիամանների» զօրութեամբ նրա բախտը բաց էր անում: — Այսպիսի շատ բաներ անում էր նա, եւ ասում էին, որ բոլորը կատարում է...

Իր եկեղեցական պաշտօնի մէջ տեր Թողիկը նոյնպէս իր ժողովրդի թէ հոգեւոր, թէ բարոյական մխիթարութիւնն էր: Ամէն մարդ նայում էր նրան, որպէս մի սրբութեան վրայ: Երբ սկսւում էր մեծ պասը, մեր թաղեցիքը սովորութիւն ունէին կեսաւուր ժամից առաջ հաւաքել եկեղեցու բակում մի խուցի մէջ: Վարժապետս գնում էր այնտեղ, նրանց համար կարդում էր եւ մեկնում էր մի գիրք: Ես մինչեւ այսօր չեմ մոռացել այն ահագին մեծ գիրքը. նրան կոչում էին «այսմաւուրք»: Նա այնքան ծանր էր, որ հոգիս դուրս էր գալիս մինչեւ տանում էի եկեղեցու խուցը: Թէ ի՞նչ էր գրած նրա մէջ, ես չգիտեի, բայց շատ անգամ գիրքը տանելու ժամանակ մտածում էի. — «ա՛խ, աստուած ջան, ի՞նչ կը լինի, որ այդ գրքի բոլոր գրոածները իմ գլխումը լցնես»: Յետոյ ինձ ու ինձ ծիծաղում էի — «լաւ, ասում էի. իմ պստիկ գլուխը ո՞նց կարող է այս ամէն բաները իր մէջ տանել»: Յետոյ էլի մտածում էի. — «վարժապետիս գլուխը հոյ իմից մեծ չէ, բա՛ ինչո՞ւ նա ամենը իմանում է»:

Թաղի ծերունիները հաւաքած էին լինում եկեղեցու խուցի մէջ, սպասում էին տեր հոբ գալստեանը: Ես տանում էի գիրքը, դնում էի փոքրիկ գրակալի վրայ, եւ ձեռքերս կուրծքիս վրայ դրած, կանգնում էի այնտեղ: Նա գալիս էր: Ա՛խ, ինչպէ՞ս պատողով ընդունում էին նրան, մարդ չէր մտում, որ սուրբ